

Bosna i Hercegovina
-Federacija Bosne i Hercegovine-
TUZLANSKI KANTON
Skupština
-Služba Skupštine-
Broj: 02-11-614-13/20
Datum: 23.11.2020. godine

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", broj: 39/14), i preporuke Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" date u Zapisniku o ocjeni ponuda broj: 02-11-614-12/20 od 18.11.2020. godine, Sekretar Skupštine Tuzlanskog kantona d o n o s i

ODLUKU
o rezultatima izbora najpovoljnijeg ponuđača

I.

Prihvata se preporuka Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" data u Zapisniku o ocjeni ponuda broj: 02-11-614-12/20 od 18.11.2020. godine i okvirni sporazum na period od dvije godine zaključit će se sa ponuđačem "MAXI PLUS" d.o.o. Tuzla koji je dostavio tehnički zadovoljavajuću ponudu broj: 501/20 od 12.11.2020.. godine, zaprimljenu pod brojem 02-11-614-9/20 od 13.11.2020. godine, sa konačnom cijenom od 22.871,00 KM bez PDV koja je najniža ponuđena cijena nakon provedene e-aukcije.

II.

Okvirni sporazum o javnoj nabavci dostavit će se na potpis izabranom ponuđaču "MAXI PLUS" d.o.o. Tuzla po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokumente zahtijevane tenderskom dokumentacijom iz člana 45. i 47. u roku od 5 dana od dana prijema ove odluke, kao i u originalu ili ovjerenoj kopiji dokaz o registraciji za obavljanje predmetne djelatnosti.

U slučaju da izabrani ponuđač u određenom roku propusti dostaviti tražene dokumente, Služba Skupštine Tuzlanskog kantona će okvirni sporazum ponuditi drugorangiranom ponuđaču "HARFO-GRAF" d.o.o. Tuzla.

III.

Ova odluka stupa na snagu danom donošenja i objavit će se na internet stranici Skupštine Tuzlanskog kantona i dostaviti ponuđačima koji su učestvovali u postupku javne nabavke.

IV.

Sastavni dio ove odluke je Zapisnik o ocjeni ponuda broj: 02-11-614-12/20 od 18.11.2020.godine.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-614-1/20 od 23.10.2020. godine, putem konkurentskog postupka javne nabavke a procijenjena vrijednost javne nabavke je 29.914,50 KM bez PDV.

Obavještenje o nabavci broj: 1062-7-2-20-3-23/20 od 27.10.2020. godine u 09:46 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriterij za dodjelu okvirnog sporazuma, shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tekst tenderske dokumentacije Konkurentskog zahjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) Zakona o javnim nabavkama, uputio poziv za preuzimanje tenderske dokumentacije sa Portala javnih nabavki na adrese 4 ponuđača.

Komisija za provođenje predmetnog postupka javne nabavke imenovana Rješenjem broj: 02-11-614-7/20 od 09.11.2020. godine (u daljem tekstu: Komisija), je dana 13.11.2020. godine u 10:30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene dvije ponude. Na javnom otvaranju ponuda nije bilo predstavnika ponuđača.

Nakon otvaranja ponuda Komisija je izvršila pregled i ocjenu prispjelih ponuda, te sačinila Zapisnik o ocjeni ponuda broj: 02-11-614-12/20 od 18.11.2020. godine, koji je sastavni dio ove odluke i u kome je konstatovano sljedeće:

U navedenom postuku javne nabavke prispjele su dvije ponude i to od ponuđača

1. "HARFO - GRAF" d.o.o. Tuzla i
2. "MAXI PLUS" d.o.o. Tuzla.

Ukupna cijena ponude ponuđača "HARFO-GRAF" d.o.o. Tuzla je 50.850,00 KM bez PDV, a ukupna cijena ponude ponuđača "MAXI PLUS" d.o.o. Tuzla je 42.690,00 KM bez PDV.

Detaljnijom analizom prispjelih ponuda Komisija je konstatovala da ponude ponuđača "HARFO-GRAF" d.o.o. Tuzla i "MAXI PLUS" d.o.o. Tuzla, zadovoljavaju sve selekzione kriterije uspostavljene u tenderskoj dokumentaciji.

Obzirom da je za navedeni postupak javne nabavke predviđena i e-aukcija, Komisija je dana 13.11.2020. godine u 13:28:57 sati na portalu javnih nabavki zakazala e-aukciju i ista je održana dana 16.11.2020. godine u trajanju od 13:00:00 do 13:50:04 sati.

Komisija je nakon završetka e-aukcije izvršila uvid u Izvještaj o toku i završetku e-aukcije i konstatovala da je u pomenutom Izvještaju utvrđena konačna rang lista ponuđača koji su učestvovali u e-aukciji i da je prvorangirani ponuđač "MAXI PLUS" d.o.o. Tuzla sa konačnom cijenom od 22.871,00 KM bez PDV, a da je drugorangirani ponuđač "HARFO-GRAF" d.o.o. Tuzla sa konačnom cijenom od 22.914,00 KM bez PDV.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije, a izbor najpovoljnijeg ponuđača je izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno gore navedenom odlučeno je kao u dispozitivu ove odluke.

POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:
1x Ponuđačima
1x a/a



Sekretar
Skupštine Tuzlanskog kantona

Enisa Hasanagić
Enisa Hasanagić